

Gyoengq Beixnuengx Guengjsae Youq Baekging Haenx Doxcomz Angqhoh “Sam Nyied Sam Bouxcuengh”

Ndwen 3 ngoenz 30, Aenhoih Lienzvuen Vunz Guengjsae Youq Baekging Angqhoh “Sam Nyied Sam Bouxcuengh” Gaiq Daihseiqcib Ngeih Nem Aenhoih Gaisau Doigvangq Vwnzva Lijyouz Guengjsae youq Cunghyangh Minzcuz Dayoz banh. Cien lai vunz Guengjsae youq Baekging bae caeuqfaenh aen hoihhoengh, caez gangj cingzngaih mbanjranz, ciengqgo diuqfoux, caemh angqhoh cietfwen “sam nyied sam Bouxcuengh” Guengjsae. “Sam nyied sam” dwg aen cietndei yungh Bouxcuengh guh daeuz, Bouxgun caeuq lai aen minzcuz vunzniox doengzcaez angqhoh ndeu, deihfueg daegsaek yienhda, gij heiq minzcuz naekgywd caeuq gij vwnzva neihanz lai, dwg gij bouhfaenh gapbaenz youqgaenj ngoenzciet cienzdoengj Cunghvaz, engq dwg gij vwnzva fouzhauh gietcomz dungxcaiz caeuq raemxanh lwgminz Guengjsae.

Youq aenhoih gaisau doigvangq, vwnzyi yienjok biujyienj sei ciengqgo diuqfoux 《Ciengq Yahvuengz》 ceiq daeuz, yungh gij gojgaeqfangz Bouxcuengh gaeuqgeq neix, daiq caezgya roxyiuj Guengjsae saenzgeiz,

Guengjsae gyaunde. Daengx ciengz vwnzyi yienjok hopheux “siuj, bya, haij, laux, bien, souh” roek aen vwnzva lijyouz doigvangq gaisau cawjdaez, doenggvaq langhbaij sibinz byadah caeuq gofoux, heiq, buhvaq minzcuz lai saek lai yiengh, langhbaij byadah, gingjsaek gyaunde Guengjsae, langhbaij vwnzva minzcuz daegsaek daegbied gagmiz caeuq gij goekdaej vwnzva laegna Guengjsae, danqhaenh gij cingzcik ronghsag Guengjsae 60 bi doxdaeuj aeundaiej haenx caeuq gij swnzsienh dungxcaiz, gaenx guh maenh’ ak lwgminz Guengjsae, gyalai vunz Guengjsae youq Baekging nyinhrox minzcuz caeuq aen sim gagsaenq vwnzva, engq doidoengh gij vwnzva minzcuz maenhndei Guengjsae byaij ok Guengjsae, cienz daengz daengx guek gak dieg.

Ciuq cam rox, aen hozdung baenzdauq vunz Guengjsae youq Baekging angqhoh “sam nyied sam Bouxcuengh” gaiq daihseiqcib ngeih daj ndwen 3 ndawcib hainduj, daengz seizneix gaenq banh le lai ciengz hozdung. Ndwen 3 ngoenz 17, bi 2019 Guengjsae “sam nyied sam Bouxcuengh • angj dijjuz minzcuz”



▲Gyoengq dahsau langhbaij buhvaq minzcuz.

Baekging faenhohciengz nem aen hozdung baenzdauq vunz Guengjsae youq Baekging angqhoh “sam nyied sam Bouxcuengh” gaiq daihseiqcib ngeih youq Cunghyangh Minzcuz Dayoz banh, hainduj le baez hozdung baenzdauq neix. Gaiq hozdung baenzdauq “sam nyied sam Bouxcuengh”

neix nangqdaengz dijjuz, vwnzva, lijyouz, yisuz daengj lai dieg, hawj vunz Guengjsae youq Baekging roxnyinh daengz gij heiqfaenh ngoenzciet naekgywd, ndaej daengz vunz lai haenh.

(Luz Denhyouj Moz Yihyenz/卢天友 莫伊然)



▲Gyoengqvunz angq diuq fouxsaux.



▲ Gyoengq beixnuengx caez ciengqgo diuqfoux.



▲ Gyoengq bouxyienj yienj 《Ciengq Yahvuengz》.

Denzyangz Mbanjsinhliz Ciengqgo Diuqfoux Haenh Seizdaih Moq

Ndwen 3 ngoenz 24 banhaemh, Denzyangz Yen Nazmanj Cin Mbanjsinhliz banh aen vanjvei lienzvuen vwnzyi, cingj doih yienjheiq honghoengq ndaw mbanj caeuq gak mbanj gyaeyawj ca mbouj geijlai 10 aen doih daeuj comz yienj gij heiq ndei hawj

vunz lai yawj, ciengqgo diuqfoux haenh gij cwngcwz bangfuz leih lwgminz, danqhaenh ndwenngoenz gyaunde, danqhaenh seizdaih moq hingzseiq moq, youq seizcin raeujrubrub neix hawj vunz lai yawj ciengz heiq ndei yawj ndeu.

(Vangz Gozsun/黄国顺)



◀ Doih yienjheiq cingq yienjheiq hawj vunz lai yawj.

Sanhgyangh: Guh Buhvaq Bang Vut Gungz



▲ Boux mehmbwk youq ndaw cehgenh cazyawj gij dozanq gihgi dajsiuq haenx.

seng’eiq yinx ngaenzcienz, haenqrengz guhndei gij vanzging guh seng’eiq, aeu “cehgenh bangfuz” laeb youq aen segih dieganceiq caeuq Mbanjdung Mbanjmyauz, hawj vunzmbanj mbouj ok dou couh ndaej couhnieb vut gungz.

(Gungh Bujangh/龚普康)